

Na osnovu člana 74. stav (5) Zakona o srednjem obrazovanju i odgoju („Službene novine Tuzlanskog kantona“, broj: 17/11, 9/15 i 6/16), ministar obrazovanja i nauke Tuzlanskog kantona, **donosi**

PRAVILNIK
o izmjenama i dopunama Pravilnika o kriterijima za upis učenika
u prvi razred srednjih škola na području Tuzlanskog kantona

Član 1.

U Pravilniku o kriterijima za upis učenika u prvi razred srednjih škola na području Tuzlanskog kantona („Službene novine Tuzlanskog kantona“, broj: 7/16 i 8/16) u članu 2. u stavu (1) riječi „ministar obrazovanja, nauke, kulture i sporta“ zamjenjuju se riječima „ministar obrazovanja i nauke“.

U istom članu u stavu (3) riječi „Ministarstvo obrazovanja, nauke, kulture i sporta Tuzlanskog kantona“ zamjenjuju se riječima „Ministarstvo obrazovanja i nauke“.

Član 2.

U članu 8. u stavu (2) u tački e) riječ „do“ briše se.

Član 3.

U članu 9. u stavu (2) u tački e) riječ „do“ briše se.

Član 4.

Član 12. mijenja se i glasi:

„Član 12.

(Kriteriji za upis učenika sa završenim obrazovanjem u inostranstvu)

(1) Za učenike koji su osnovnu školu završili u inostranstvu, a kod kojih u svjedodžbama nema relevantnih predmeta, uzima se prosječna ocjena iz svih predmeta u posljednja dva razreda ili posljednjem završenom razredu.

(2) Za učenike iz stava (1) ovog člana, kod kojih je u svjedodžbama evidentiran samo opći uspjeh, prosječna ocjena iz relevantnih nastavnih predmeta se uzima na osnovu općeg uspjeha u određenom razredu.

(3) Za učenike koji su završili osnovno obrazovanje u inostranstvu u trajanju od osam godina uzima se uspjeh u V, VI, VII i VIII razredu, te ocjena iz relevantnih nastavnih predmeta na osnovu uspjeha u VII i VIII razredu.“

Član 5.

Iza člana 12. dodaje se novi član 12a. koji glasi:

„Član 12a.

(Bodovanja rezultata eksterne mature za učenike koji su
eksternu maturu polagali izvan Tuzlanskog kantona)

(1) Za učenike koji su polagali eksternu maturu izvan Tuzlanskog kantona uzima se prosječna ocjena na maturi i boduje kako slijedi:

- a) prosjek od 2,00 do 2,50 = 5 bodova,
- b) prosjek od 2,51 do 3,00 = 6 bodova,
- c) prosjek od 3,01 do 3,50 = 7 bodova,
- d) prosjek od 3,51 do 4,00 = 8 bodova
- e) prosjek od 4,01 do 4,50 = 9 bodova,
- f) prosjek od 4,51 do 5,00 = 10 bodova.

(2) Učenik koji nije polagao eksternu maturu ne ostvaruje bodove po osnovu člana 7. stav (1) tačka c) i člana 9. stav (2) tačka c).“

Član 6.

Ovaj Pravilnik stupa na snagu danom donošenja, a bit će objavljen u „Službenim novinama Tuzlanskog kantona“.

Bosna i Hercegovina
Federacija Bosne i Hercegovine
TUZLANSKI KANTON
Ministarstvo obrazovanja i nauke
Broj: 10-1-38-31343-1/18
Tuzla, 7.5.2018. godine

MINISTAR

Mr. sc. Zlatan Muratović, s.r.